

v. g. divinam illuminationem, amorem ac desiderium virtutis; ut fugiat Musicam, novellarum lectionem, amicitiam cum aliis, compressionem nasi coram graveolentia, aliaque adiaphora plura, utpote quæ omnia contrariantur abnegationi sui ipsius. CUBICULUM, a Salvatore mellitissimo nobis commendatum, in hac Theologia cordis illuc panditur, ut omnes ideæ, ad perfectionem spiritualem minus necessariae, absolute & in solidum hinc exesse jubeantur, nullaque nullius rei naturalis, moralis aut œconomicæ consideratio amplius intromittatur, nullum judicium super ea formetur, nulla curiositas toleretur. En tibi Vacuum mysticum in cubiculo, ad quod CUSTODIAM CORDIS, a Davide commendatam, superstizioso, nimis Pharisaico & electio cum excessu, detorquent.

## D.

DEISMUS, non large acceptus, prout negationem divinæ providentiae, & huic confinia vagarum mentium præcipitia notat, & per antiphrasin Atheismum potius insinuat, omnemque religionem eliminatum it; verum sub notione pressiore sumptus, est Absolutissimus vesaniæ humanæ, ex creatore creaturam facientis, aut eundem putantis esse principium internum, *συστατικόν*, ac partem essentialem cujuslibet entis creati, seu mavis, esse unum tantummodo ens, quod naturæ jam naturantis, jam naturatæ nomine veniat. Dipelius quidem certe in Fato suo fatuo cum hoc Spinosismo etiam Audæanismum combinat, delirans, *Gotte habe einen subtilen Körper / oder unsichtbaren Körperlichen Grund aller Geschöpfe von Natur in sich; das sey die ewige Natur / und das object, das Gott selbst in sich habe / ohne welches er nicht einmal actiones æternas thun könne.* DENUDATIO tribuitur a rigidiorum harum Scholarum Antistitibus duntaxat *occultis DEI filiis*, quos ab *Amicis DEI* sequestrant. Persuasum nempe sibi habent Magistri isti, quod Amici Dei internam suæ mentis ascesin cum proprietate quadam possideant, suæque salutis æternæ desiderium alant, dum ipsam amorem ad Deum adhæSIONEM, tanquam optimum quoddam, eligant atque amplectantur. Hinc etsi Deum, ceu summum Bonum, unice dili-

dili-